



吳都文粹續集卷三十七



長洲 錢

穀

叔寶

編集

○市鎮—墳墓

○木瀆道中風雨雷震大作

范成大

惡風奔雲何壯哉溪水欲立山欲摧石岬迸裂纜邊  
樹胡林動搖船底雷靈岩塔後雨脚挂脊口廟前浪  
花來蓬漏衣沾不足惜酒餅傾側愁空壘

○木瀆去縣西南三十里

光福塘上

前人

指點炊烟隔蒼茫午飧應可寄前庄鷄聲人語小窗



樂木葉花草深巷香春去已空衣尚絮雨來何晚稻  
初芒祇今農事村二急第一光陂貯水塘

登光福鳳岡

吳寬

昔年曾學登山法縱步不憂山石滑舍輿竟上鳳岡  
頭趁此涼風當晚發遠山朝臣抱牙笏近山美人盤  
鬢髮我身如在巨海中青浪低昂出復沒山下人家  
成市廛家：炊烟起曲突梅林屋宇遙隱見一似野  
鳥巢木末寺僧見山如等閒翻恠群山競排闥偶凭  
高閣發長嘯笑我胡為躡石鉢夕陽滿目波洋：西  
望平湖更空濶山靈為我報水仙預設清冷供酒渴

吳人非不好登山一宿山中便愁殺扁舟連夜泊湖  
口舟子長篙未湏刺懶遊已笑斯人駭狂遊不學前  
人達若邪雲門在於越何必青鞵并布襪

光福鎮在縣西五十里

泊橫塘

倪瓚

山寺微茫深渡寒烟莽蒼橫塘杖梢自挑村酒船頭  
猶帶漁郎

過橫塘

吳寬

夏半橫塘風日多畫船載酒壓晴波高田得雨皆秔  
稻長蕩翻雲盡芟荷未必他年成故事也須隨處結



行窩悠：十里城西路此是登山第一歌

橫塘鎮去縣西南十三里有橫塘風景特勝

甫里

高啓

長橋短橋楊柳前  
浦後浦荷花人看旗出酒市鷗送  
船歸釣家風波欲起不起烟日將斜未斜絕勝苔中  
刻曲金螯玉鱠堪誇

唼：綠頭鴨開翻：紅尾魚跳沙寬水淺江穩柳短  
莎長路遙人爭渡處斜日月欲圓時大潮我比天隨  
似否扁舟醉臥吹簫

懷甫里

倪瓚

筇竹依：故里石刊翰墨模糊龐公力田二頃拾遺  
扁舟五湖

甫里去長洲縣東四十里俗名六直浦

許市

方回

太湖晚山雨白鳥去冥：古冢多無後荒祠豈有靈  
異峰嶮石骨遠樹聳人形兵革已甦息廢田蒲稗青

許溪

姚廣孝

青山兩岫分夕渡舟橫口夏雨欲生蓮秋風先到柳  
聲殘烟寺鍾香餘菰店酒相見無別人唯逢耕釣叟

許墅送別劉貞外

胡纘宗



去年送客菊初栽今年送客全開鄧尉雨晴花造菊  
次穹窿雲淨鶴徘徊功名磻：還堪疏詞賦翮：亦  
可裁把酒別君：且醉感時休上鳳凰臺

舊說許市去縣西北三十五里一名許墅詳見古  
迹民居水際農賈襍處為一大鎮舊有巡司急遞  
舖景泰中置鈔關於此

陸墓

韓奕

楊柳郭西門人家水上村豐年隨處樂生聚向來繁  
晚飯尊全滑村沽酒半渾逢人詢舊俗喬木幾家存  
陸墓去縣北二十里因宣公墓在焉

舟經荻扁阻風王抑夫田舍 吳寬

歲暮江村落日懸誰家漁網設平田岸頭行客訟風  
伯堂上主人疑水仙斗酒急呼聊慰藉扁舟欲去重  
甸連荒溪白屋炊烟少縣吏那堪橫索錢  
荻扁在十七都鷓冠子云四里曰扁

尹山

陳基

人傳周吉甫遺基在勾吳蕭條入墟里泱莽帶烟蕪  
豈伊姬臣裔散落在江湖負來林立下客非隱者徒  
尹山去縣東南十里

滯雨夜泊相城寄陳孟賢 徐有貞



江風吹雨阻行舟薄暮孤村且暫留回首那堪望君  
處白雲只在水西頭

相城訪沈啓南

伊秉

此日初登君子堂幾回快觀德星光畫圖神品驚當  
代詩法名家逼盛唐雲煖石田生玉徧烟晴溪樹對  
門長不才生忝十年後杖履甘隨老故鄉

再往相城忘路誤經湖中

前人

諸禽格：樹蒼：暝色湖光接混茫始信桃花春岸  
水仙源回首誤漁郎

行次相城有感

王鏊

幾年約茲遊為訪石田叟石田今已亡不使此言負  
相知三四人挈舟過湖口行：抵相城自邗將及酉  
四顧何茫然天水合為藪茆屋幾人家荒蒲與衰柳  
本來魚鱉宮自合鷗鷺有始田者為誰餒也非自取  
有司事征求亡者逾八九念此為彷徨獨立延佇久  
作詩當風謠以告民父母

相城去縣東北四十里

許浦按教水軍

次表說  
友韻

陳造

萬灶連：儼舊屯朝來喜氣襲人溫固知除器須平  
日改復投醪亦至恩帝綽函春周壘辟使星回耀照



和門文經武緯君王聖汗簡湏知紀治原

許浦鎮

周霞賓

形勢東南地兵戈阻隔時樓船張水陣幕府壯行麾  
江口衝寒急潮頭應月遲空存舊營樹夜：海風吹  
許浦鎮去常熟縣東北七十里思改鄉宋紹興置  
鎮及水軍寨

湖莊即事

吳堂

十五嫁來時東墻桑壓枝早禾低處熟盛飯滿花瓷  
自從潦為沴常見水平隄燒桑向東蓄桑濕火力衰  
見飢苦啼晝車踏我足胼東圩苗泛青西圩渺漭：

云是連夜雨海潮漫前陂出門搔首望歲計嗟安支  
不愁寒與飢但愁官租遲

湖莊市在二都

夕次同川

李繼本

鴉噪晚涼天新晴景豁然柳橋通水市荷港入湖田  
鷺影沙頭月人烟渡口船相遇又相別書到是明年

同里

倪瓚

依微同里接松陵綠玉青瑤繚汶縈為咏江城秋草  
色獨行烟渚暮鐘聲黃香宅裡苗三宿甫里門前過  
幾程借書市藥時來往不向居人道姓名



同里懷元用

前人

一水東西雲窈窕幾家楊柳木芙蓉齋居出入無人  
到屐齒經行破蘚封蜜竹窗虛秋半雨楓林寺遠日  
沉鐘寄詩為道長想憶想亦依：念去蹤

夕次同川

姚廣孝

長江遠接天一望一茫然夕靄迷沙樹寒鴉落渚田  
林香通佛寺岫語到商船野路偏難識徑遊况隔年

重過同川

韓奕

携家曾此避兵塵川上花開幾度春頭白重来如故  
里看花應少舊時人

同里鎮去吳江縣十六里在二十六都有巡檢司  
稅課局

平望蚊子

吳融

天下有蚊子候夜嗜人膚平望有蚊子白晝來相屠  
不避風與雨群飛出菰蒲擾：蔽天黑雷然隨舳艫  
利嘴入人肉微形紅且濡振篷亦不惧至死貪膏腴  
舟人敢停棹陸者亦疾趨南北百餘里畏之如虎驅  
噫嘻天地間萬物各有殊陽者陽為任陰者陰為徒  
蚊蚋是陰物夜從喧墻隅如何正曦赫吞噬當通衢  
人筋為爾斷人力為尔枯衣巾穢且甚盤饌腥有餘



豈是陽德衰不能使消除豈是有主者此鄉宜毒荼  
吾聞蛇與螫避之則無虞吾聞薨有毒見之可疾驅  
唯是此蚊子逢人皆病諸江南夏景好水木多蕭疎  
此中震澤路風月弥清虛前後幾來徃襟懷曾未舒  
朝幾蒙褰積夜仍踰蘧蔭雖然好吟嘯其奈難踟躕  
人生有不便天意當何如誰當假羽翼直上言紅鑪

平望驛

張祐

一派吳興水西來此驛公路遙經幾日身去是孤雲  
雨氣朝忙蟻雷聲夜聚蚊向堪秋草色到處重離群  
平望驛寄吳興徐使君玄之 前人

故人為作郡百里到吳興藻思江湖滿公平道路祢  
包山方峻直霽水况澄清佇聽司空第遙知下詔徵

平望驛感先輩

李從實周  
鏌二故人

李郢

蘆葦風多驛堠長昔年携手上河梁青雲才子鴛鴦  
季白石山人芝木香華驥欲陪先道路大川斯濟戢  
舟航少微星動桂枝發重整孤帆過水鄉

過平望

顏真卿

茫：菰艸平如地渺：長堤曲似城日暮未知投宿  
地逢人便向問前程

解后劉公尤於平望

聯舟  
夜話

蘓舜欽



昔別蘋初生離謳發清商契濶幾何時遣轉尤在梁  
我亦宦遊者吳會非故鄉三考一瞬息扁舟此尚羊  
邂逅通夕語弭楫水中央淡影月照戶清音雁南翔  
攄意良未盡詎及羅酒漿予去尚千里道路阻且長  
崎嶇慎所歷無令馬玄黃

過平望

范成大

寸碧闌高浪孤墟明夕陽水柳搖病綠霜蒲蘸新黃  
孤嶼乍舉網蒼烟忽鳴榔波明荇葉顫風襲蘋花香  
鷄犬各村落蓴鱸近江鄉野寺對客起樓陰濯滄浪  
古來離別地清詩斷人腸亭前舊時水還照雙妃央

平望道中

王惲

今日風日好舟行喜清和吳江抵嘉興遠不百里過  
解衣坐篷底聞聽吳儂歌大艚從東來帆檣鬱嵯峨  
云是誰海公赴召耽微疴蒼皇不少住進棹如飛梭  
物情忌太盛從者不得多尚餘蔽川載意氣隘兩河  
有懷陶朱公伯業到不磨功成委之去敝屣與弃  
左顧萬金橐右顧西施姿可想不可見五湖渺烟波

平望

陳基

下田不憂旱高田正宜雨四野已足霖三吳復無暑  
盃酒及豚蹄盤羞及鷄黍擊鼓樂社翁燒灯御田租



泊平望弔玄真子

孫銳

仙非勝地仙不昇地非仙跡地不靈古今絕勝天下  
景多為羽客梯雲輶松江之南平望驛千古絕名垂  
載籍遺基廢井離不存依舊湖光接天碧我聞在昔  
張玄真平生活計一釣綸浮家汎宅戲人世龜魚為  
友蕪葭隣故人分符刺茗水東遊歷遍溪山美翩然  
聯壁至此鄉回視塵寰如敝屣酒酣水戲身甚輕席  
行水面同舟聲祥雲瑞鶴歛然至汎此凌空歸太清  
西塞山邊飛白鷺其間儘有朝元路綠簑平日恣遨  
遊何忍臨歧弗相顧爭知萬頃玻璃中清都紫府遙

相通故來成此一奇事欲將名姓傳無窮風帆過後  
沙鳥墜靈踪雖存人亦記白蘋紅蓼自爭妍誰識此  
為真福地何人好事能揮金結廬繪像湖之陰寒泉  
一盞薦秋菊往來不負詩人心玄真今在天何處獨  
立河梁望颺馭丹臺玉籍若相容攜手乘風共歸去

平望亭

瞿衡

懶於篷底閱青編來坐亭前一鏡天識我鷗閒如舊  
日問人鶯聞莫知年竿落日收漁網幾樹春風繫  
客船邂逅花邊湏酌酒囊中賸有賣詩錢

平望夜泊

僧蕉室



風靜寒塘起暮烟  
數聲秋雁客程前  
湖波東下青山  
盡客路南來  
綵鷁連伯國  
城空惟燐火  
升仙祠古有  
題篇夜深何處漁  
歌發明月蘆花野  
水邊

泊平望

僧道原

計程息勞牽日晚  
江路永連檣  
如有待聚泊就村井  
沙明鷗群回月出人語  
靜心清獨不寐况乃風  
露冷因思往來客終日  
困馳騁得非衣食驅無  
乃緣造請吾人方外士  
素志慕箕穎胡為淪水  
宿混迹問鼃鼉丈夫別  
有念此意誰得領人生  
未聞道如何臥烟景

過平望

張觀

喚醒江鷗夢舟行認  
洞庭石橋浮半月漁火  
點殘星驛路千三客  
春風十里萍逢山青未  
了回首又長亭

過平望

陶振

平望橋東倚畫舟  
江天空濶稱冥搜  
潏漫烟樹村墟晚  
浩蕩雲濤澤國秋  
戶繞鴨闌開驛舍  
旗搖雉尾見譙樓  
聖恩優老身康健  
許着羊裘狎海鷗

平望八景

俞睦

雨過南湖水天寬  
琉璃影裡月光寒  
雙鷺一去無踪  
跡夜：惟看浴素鷺  
——  
鶯湖  
夜月  
樹色依微欲曙天  
一痕殘月墮江烟  
鶯湖西畔前朝



寺惟有鐘聲落釣船

殊勝鐘聲

蘆荻蕭蕭起晚風行人從此挂歸篷遙看隔浦含烟

樹尚帶殘陽一抹紅

遠浦歸帆

畫棟翬飛聳碧空湘簾高捲綠楊風吳山雲水無窮

趣都在凭闌一望中

驛樓覽勝

當年于頓刺湖州曾築長隄捍逆流兩岍曉風揚柳

綠王孫得意騁驂騑

頓塘躍馬

桃花流水鱖魚肥之子仙遊尚未歸留得青山苔石

在行人錯認綠蓑衣

玄真仙跡

溪橋酒店繫垂楊好鳥多情喚客嘗最愛春風初起

處一簾疎雨杏花香

溪橋酒店

幾家茅屋住烟村桑柘重綠映門昨夜鶯湖初雨

過漸看新漲入籬根

平望鎮去縣東南四十里在二十四都有平望驛

巡檢司

震澤別業自遣

陸龜蒙

數尺游絲墮碧空年長是惹春風爭知天上無人

住亦有春愁鶴髮翁

震澤道中

王原杰

村市蕭條數十家扁舟夜泊傍芦花江空歲晚歸心



切水遠山長去路賒帶水野田鳴落雁連雲烟樹繞  
昏鴉勞生徒負燈白志只合西園學種瓜

春過震澤田別

智愚隱  
蘓昌齡

謝應芳

松江太湖春水生湖上白鷗尋舊盟遠公沽酒壯行  
色坡老賦詩言別情燕子日長書屋靜柳花風颺釣  
絲輕相遇不負青山約一棹夷猶兩日程

震澤分題送李均翰

周鼎

湖上雨晴添綠波郎船將發唱吳歌誰知三萬六千  
頃不及儂愁一半多  
野老乘舟自打橈閒看翡翠戲蘭苕連山不斷南山

口曲水迴通底近橋

太湖東去水相通大浪掀天難使篷今夜且來洲裡  
宿明朝又怕日高風

震澤鎮去縣西南九十里十都有巡檢司

過梅堰

在二  
十都

陸龜蒙

一作  
務觀

春行霧雨暗衡茆兒女隨宜沽酒看便覺此身如在  
蜀一盤籠餅是晚巢

過八赤遇雨

在三  
都

前人

勝事營居觸事竒酒甘泉滑鱸魚肥松江好處君須  
記風靜長江雪落時



宿庇村在都

僧北澗

秋風寄哀柳此景亦蕭然月落牛方飲舟行雁未眠  
蓑衣無吏習茆屋有詩禪村僻人家少烟空水接天

柳胥暮歸在二都

姚廣孝

歸城心欲速短艇夜還乘僧寺烟中磬漁家水際燈  
送天昏訝靄高樹聳疑陵隔岫山偏好徐看想舊登

寓柳溪感懷

陶振

漂泊東南萬里船故鄉回首白雲邊慈親白髮三千  
丈客子貂裘二十年韓信每朝常寄食張衡何日賦  
歸田不堪腸斷思鄉處風雨蕭：暗海天

車溪道中在二十都

僧善住

葦白茆黃溪水清倚篷閒看浪鷗輕板橋橫處人家  
小脩竹叅天落照明

客裡蹉跎歲欲闌水邊楊柳尚平安夜來已作還鄉  
夢滿目西風客棹寒

仲雍墓

周霞賓

虞墓東山頂岐州萬國西人皆憐伯仲心實似夷齊  
海水龍無害蛭花鳥自啼寂寥懷古意文保見遺黎

前題

傅良玉

仲雍古冢已丘墟冢上閒雲日卷舒莫薦不聞陳篋



簋莛夷端合禁樵蘓杜鵑啼血春風  
狡兔穿瑩夜月孤邁客無勞增悵惘至今讓德重勾吳

前題

王賓

斷髮文身正隱時清高裡面有權宜空山葬處惟荒  
草到處人來必拜之

又

吳訥

虞仲隨伯氏泯跡逃荆蠻至今仲雍處猶自稱虞山  
遺跡邈難尋廢冢苗山間鄉邑失開陳歲遠埋荒菅  
予賤忝末裔有淚自潛誰為禁樵牧陳辭扣天關

又

鄭東

野鼠穿黃穴遺封百草深死無歸國夢人識逸民心  
岫樹冬愈碧江猿夜亦吟海虞山上月梅里共沉

又

周師敬

賢哉虞仲氏讓國來荆蠻斷髮文其身之死不復還  
孤冢鬱峨屹立山之間高風播宇宙邈矣誰能扳  
青山得以名萬古永不刊

吳仲雍墓吳地記曰在常熟縣西虞山上與言偃  
冢並列寰宇記曰虞山有仲雍齊女墓

吳王闔閭墓

張伯玉

東客往來過虎丘橘花渡口維扁舟闔閭宮殿不可



見但見古塌寒颼：惜昔吳王全盛日水犀千萬橫  
吳鉤楚山既掘荆人家越壘仍將勾踐囚豈謂西施  
能破國誰知麋鹿上臺遊惟有吳王在時月夜深聞  
照劍池秋

又

高 啟

水銀為海接黃泉一穴曾勞萬卒穿謾說深機藏盜  
賊難令朽骨化神仙空山虎去秋風後廢榭烏啼夜  
月邊地下應知無敵國何須深葬劍三千

又

周南老

穿土鑿山骨積壤崇林立黃腸固銅槨玉鳧浮汞溝

金精來踞虎瑞兆符眠牛生維寶莫邪于烏殉純鉤  
池空因劍名寒碧澄陰湫高深胡足恃冒用智力求

又

陳 毓

下穿老骨痊銅棺要使先王體魄安金虎氣消天地  
老玉龍光射斗牛寒蓬科有恨埋千載麥飯何人奠  
一盤休笑子胥無葬所古今廟食拜衣冠

闔閭墓在虎丘

干將墓

高 啟

干將善鑄劍：成終殺身吳伯亦遂亡神物豈不神  
始知服諸侯威武不及仁徒勞冶金鐵精光動星辰



莫邪應同埋荒草千古春青蛇冢間出猶欲恐耕人  
又 周南老

神物須人就燦身劍乃成厥妻剪爪髮投冶濡金精  
兩龍而躍出干將獲全生獻唯匿其陽殺身逆鱗嬰  
匠門傳有冢春苒還自青劍化已云久吳治墓亦平

孫武墓

王賓

行兵無敵顯當年有墓于今是野田八十餘篇書在  
昔流傳惟有十三篇

孫武墓城北平門外西北二里

要離墓

楊維禎

金昌亭下路春草沒荒丘云是要離冢令人生古愁  
侏兒三尺餘不佩雙吳鉤中包猛士胆白日照高秋  
惡死屠骨肉視身若蟬蛸荆軻不了恨慶忌成身謀  
如何五噫客死與尔同儔

又

周南老

細人胆氣雄一坐挫壯士臣吳許申脊垂氣刺慶忌  
兩勇苦相厄多君囊底智弃妻固非非仁殺身始全義  
西出金昌亭：下幽局閉年：草自春舉目山河異

又

高啟

弱夫殺壯士誰敢嬰其怒今日古城邊耕人肆侵墓



又

王賓

當日要離投慶忌甘從驅使計謀深何如豫讓能明  
白羞恸人臣懷兩心

要離墓在吳縣西四里閶門南城內相傳在今梵  
門橋西城下馬婆墩舊有砲座基宋嘉定十六年  
提刑司脩城此地多得古塚莫詳姓氏

瓊姬墓

高啟

夢別夫差殿頭墮釵零落誰收土昏青鏡忘曉月冷  
珠襦恨秋麋鹿昔來廢苑牛羊今在荒丘香魂若怨  
亡國莫與西施共游

又

徐賁

館娃宮裡已堪愁况值泉臺闕小丘月冷寶奩無復  
曉池空玉雁不知秋蘿間舊屋僧來往竹下新亭客  
過遊不有佳名留郡志誰能識此為停舟

瓊姬墓在陽山與夫差冢相近

吳女墓

高啟

魚燈照艷魄夜冷珠衣薄白玉土中埋紅蘭霜後落  
不乘臺上鳳空舞橋邊鶴韓重未歸來泉宮秋寂寞

又

周南老

鶴舞導靈輜花落埋香玉幽憤為誰嬌愁鎖春娥綠



不復棲鴛鴦鳥知走麋鹿嗟爾韓家兒故為遂所欲  
相思異死生佳期難再復維鳳郵眾鳥誰能慰筑獨

又

王賓

眼看家國把眉顰無奈芳年病損身歌裡分明人聽  
設苦猜儂意是懷春

吳女墳在閭門山塘

齊女墓

周霞賓

帷第三千里辭親遠結婚浪傳招楚些難返望齊魂  
蘭麝山頭土蒿萊郭北門生涯歸一瞬標榜至今存

又

張洪

南風初勁北風微爭長諸姪復娶齊越境定須千兩  
送戒途應拭萬行啼望鄉不憚登臺遠埋恨惟嫌起  
冢低夢州萋：猶泣露倩誰滴向故鄉泣

又

吳訥

齊景不自強涕出女於吳迨：三千里百兩來姑蘓  
死葬虞山顛北望父母都芳魂逐飄風艷骨歸黃壚  
空餘一荒丘月夜嗥飢狐

又

程式

宗國中微日勾吳始伯時來歸非我志時事有天知  
身死蘓臺下心馳淄水湄萋：芳草墓千古不勝悲



又

鄭東

突兀孤墳在千年恨尚新  
荆蠻非偶國盤瓠媿吾人  
躑躅春啼血狐狸夜得鄰  
營丘無伯業吳治更傷神

又

林大同

嘗聞齊景公涕出女於吳  
孟姜志貞烈憂憤身為俎  
吳公聞其生卜葬於海虞  
中宵走飛燐昭明燭太虛  
有客從宦遊考功朝帝都  
燁燁有耿光應與忠義俱  
齊女墓吳越春秋云吳太子娶齊女  
思齊而病將死曰必葬我於虞山之顛  
以望齊國闔閭傷之如其言葬之

子游墓

王賓

有樹枯來不記春却依虞仲冢  
為隣山家相約休樵采十哲人中第九人

子游墓在海隅山上史記吳世家注仲雍冢並列

朱梁墓

前人

行二一里近婁門有漢朱梁墳尚存  
人欲知他身種德其家多代出賢孫

朱梁墓在婁門東南二里

顧三老墳

前人

魯有兩生名姓佚人皆嗟惜信其賢  
分明名姓祿耆



德何必切：史上編

願三老墳婁門塘北漢願綜為尚書今明帝時三老吳願氏是其裔

梁高士碣

梁 肅

有漢高士梁君諱鴻字伯鸞扶風人君天元純誕其生知囊括道妙而遊於世遭漢微缺澆風偃物君以為道不可徇時故安節以高蹈不可以激俗故高蹈登印以作歌：不可以遺患故適越以遐遊：不可以不立故寄食於杵臼是以孟氏悅其道而妻之伯通尚其風而禮之安夫大而遺其細忽夫語而順乎

後五  
歌改

默樂則行之憂則違之斯可謂高世之逸民矣原夫天之運也曰明與晦人之道也曰否與泰達人知否與晦之不可為也故耦而耕狂而歌鑿垆以逃荷蓀而晦德避難不成乎名於戲伯鸞非斯人之徒誰與哉唐大曆六年小子旅於吳得君之舊遊焉孟子稱聞柳下惠之風者鄙夫寬薄夫敦然則聞之風聲亦將舍爾朶願以觀我靈龜乎乃刊貞石以識遺烈銘曰——山隱器車河秘馬圖伯鸞不行獨與道俱太虛無際浮雲無繫伯鸞伊何冥跡人世直道辱身三黜魯邦扣馬逆諫餓于首陽邈矣伯鸞靜而舍光作銘



皋橋萬古是望

梁鴻墓

伯鸞有五噫歌因効其体

高 啓

願瞻亭皋兮噫丘墳有嵩兮噫粥春亦勞兮噫危邦可逸兮噫先生何高兮噫

又

周南老

伯鸞抱清節粥春苦勞生吁嗟歌五噫豈其相杵聲配無德耀賢成佳名城西禮讓鄉有比高士瑩遇者為俯軾路通金闔亭于今冢雖夷指地名猶稱

又

王 賓

憂國心多賦五噫君王清問合尋思埋身客土終傭

保正在東京盛治時

梁鴻墓在吳縣西里要離冢北

祭梁先生文

附

陸龜蒙

先生為五噫之歌漢天子聞而病之南走乎大江之波客皋氏之字下志沉潛而靡他白吳祭以舉印夫人之勤亦多不懷志沉潛而靡乎道之無頗比要離之烈魄冢雖夷而不磨嗟予後先生之千祀聊奉奠而求遇俯灌地而仰語願先生之謂何心偏性誕客他人之字下不得故垣而自翰身病妻弱白吳民之祭不得故力耕而自獲所以法先生之義者庶五噫



之可作

伯通墩

王賓

龍織梁鴻與孟光生時人已不尋常城西墳上皆荆棘名字流芳却未荒


伯通墩在西門即其墳也世稱伯通字奉鄉

漢吳郡丞武開明碑 金石錄

右漢吳郡丞武開明碑云君字開明而其名已殘缺又云永和二年舉孝廉除郎謁者漢安二年遷大長秋丞長樂太僕丞永嘉元年喪母去官復拜郎中除吳郡府丞壽五十七建和二年十一月十六日遭疾

卒其可見者如此其他磨滅不可盡識按後漢書大秋丞二人秩六百石本注宦者又長樂少府位在長秋上及職吏皆宦者又有太僕二千石在少府上丞六百石據志所載中宮及長樂宮官屬皆以宦者為之而以史傳及漢魏石刻參攷如大長秋少府之類皆襍用士人今武君以孝廉為郎謁者郎中吳郡府丞皆非宦者之職然則兩宦官屬蓋亦襍用士人也





卷三七

古



代吳令謝詢求為諸孫置守塚人表

張峻

臣聞成湯革夏而封祀武王入殷而建宋春秋征伐  
則晉修虞祀燕祭齊廟夫一國為一人興先賢為後  
愚廢誠仁聖所以悼而不忍也故三代敦繼絕之德  
春秋貴柔服之義昔漢高受命追存六國凡諸絕祚  
一時普祀親與項羽對爭存亡逮羽之死臨哭其喪  
將以位嘗侔尊力嘗均勢雖功奪其成而恩與其敗  
且暴興疾顛禮之若舊殘戮之尸乃以公葬若使羽  
位承前緒世有哲王一朝力屈全身從命則楚廟不



墮有後可冀伏惟大晉應天順民武成止戈西戎有  
即序之人京邑開吳蜀之館興滅加乎萬國繼絕接  
于百世雖三五弘道商周稱仁洋之美未足以喻  
是以孫氏雖家失吳祚而族蒙晉榮子弟量才比肩  
取進懷金侯服佩青千里當時受恩多有過恩臣聞  
春雨潤木自葉流根鳩鵲恤功愛子及室故天稱罔  
極之恩聖有綢繆之惠追惟吳偽武烈皇帝遭漢室  
之弱值亂臣之強首倡義兵先衆犯難破董卓於陽  
人濟神器於飄井威震群狡名顯往朝桓王才武弱  
冠承業招百越之士奮鷹揚之勢西赴許州將迎幼

主雖元勳未終然至忠已著矣夫家積義勇之基世  
傳扶危之業進為絢漢之臣退為開吳之主而蒸嘗  
絕於三葉園陵殘於薪菜臣切痛之伏見平吳之初  
明詔追錄先賢欲封其墓愚謂二君並宜應書故舉  
勞則力輸先伐論德則惠存江南正刑則罪非晉寇  
從坐則異代已輕若列先賢之數蒙詔書之恩裁加  
表異以寵亡靈則人望克壓誰曰不宜二君私奴多  
在墓側今為平民乞差五人蠲徭役使四時脩護頽  
毀掃除瑩壟永以為常

孫王墓辯

盧雍



右漢豫州刺史孫堅：妻吳夫人及其子會稽太守  
策三墓並列盤門外三里即今齊昇院東南面勢據  
古蛇門正與府治相向祥符圖經云豫堅塚方俗稱  
為孫王墓按吳書堅死於初平二年：三十七策死  
於建安五年：二十六吳氏死於建安七年合葬堅  
墓黃龍元年權尊堅為武烈皇帝廟曰始祖墓曰高  
陵吳氏為武烈皇后策為長沙桓王太元二年八月  
朔風拔高陵松柏石碑蹉動晉陽秋云惠帝元康中  
吳令河東謝詢表為孫氏二君置守冢五人脩掃除  
有詔從之其文張俊所作今載文選陸廣微亦云盤

門東北二里有吳武烈皇帝并長沙桓王等三墓前  
志云宋政和六年村民村民發墓其磚側有萬歲永  
藏四篆得金銀簪十數枚東西銀栝初若紫花良久  
化為腐土并金搔頭十數枚金握臂二悉皆如新一  
瓦熏爐與近世陸墓所制畧似而箱底灰炭猶存焉  
碑石斷缺塵餘中平年三字將州逮命捨之所得古  
物盡歸朱勛家洪伯芻香譜亦畧載此事即楊友夔  
所賦孫豫州墓者是也洪氏三庚志云盤門外大冢  
紹興二年秋雨墮地牧童入其間得銅器數種持賣  
於市鄉人往視地處蓋其隧道有石刻隸書云大吳



長沙桓王之墓亦烏三年凡十二字知府沈揆亟命  
拵塞仍立石表其所勝寔為記袁席之為策死距赤  
烏三年也四十載豈非權稱制之久復改葬乎所得  
之器膝藏小鏡一其背有銘十四字一銅小麟鎮帑  
無款識以遺席之嘉熙中墓傍土中又得唐孫德琳  
墓志云開元十年寔於十四代祖吳武烈皇帝陵南  
平地又按丹陽圖經載高陵在縣西練塘鄉吳陵港  
以傳記證之當是堅葬曲阿後遷于吳史不及詳載  
爾勝寔所記謂紹熙中提舉常平張體仁智命其屬  
表之題曰先賢墓徐誼屬寔考訂止從俗稱孫王墓

寔蓋據陳壽說破虜葬曲阿及策之薨其將周倫魯  
肅皆赴喪獨指此為伯符之墓亦未嘗及謝詢所表  
不審三墳同域故論說紛紛自相抵牾在政和知為  
豫州之墓在紹興知為長沙之墓皆不能質諸傳記  
以求其說地亦嘗為寔故舊志不復詳究矣因脩載  
始末傳諸好事仍錄古今文詞如左云

行經孫氏陵

何遜

昔在零陵厭神器若無依逐兔爭先捷犢鹿競因機  
呼吸開伯道叱咤淹江畿豹變紛竒略虎視肅戎威  
長蛇翊巴漢驥馬絕淮淝交戟無內禦重門豈外扉



成功舉以弃凶德懷而違水龍忽東驚青蓋乃西歸  
竭來以永久年代暖微：苔石疑文字荆墳失是非  
山鶯空曙响隴月自秋輝銀海終無浪金鳧會不飛  
聞寂今如此望：沾人衣

長沙桓王墓下別

李紆張南史

劉長卿

長沙千載後春草獨萋：流水朝將暮行人東復西  
碑苔幾字滅山木萬株齊佇立傷今古相看惜解携

長沙王墓

范成大

英雄轉眼逐東流百戰工夫土一坏蕎麥花：花似  
雪牧童吹笛上高丘

又

劉克莊

伯畧誰堪敵伯符每開史策想規模一千掃衆橫江  
去十七成名自古無警蹕未迎歸大肉英雄可惜死  
東吳君看末命猶特指頰張昭為托孤

題孫伯符墓

韓 泂

自無太史慈孰對孫伯符群舒有餘地周郎或知予  
既推道南宅以濕謾相濡本擬馳中原掃滅許下都  
天乎許貢客一箭失壯軀勉匄付後事張昭乃其奴  
赤壁之大攻僅可保全吳公瑾復不長伯符益荒蕪  
至今春草生高墳在始蘓傳言尚相點經行倍踟躕



異代歲月速誰為我非夫酌酒起英爽白楊鳴赤烏  
荊州忽已分曹劉竟稱孤堂：破虜冢歸命誠是俘

孫伯符墓下

周弼

梧葉蕭：墓草長夢魂曾斷九迴腸空聞絳帕離漳  
水誰見黃旗入洛陽虎峙有基宮樹老龍盤無廟石  
城荒赤烏不識桑田變猶自棲：戀白楊

吳桓王墓

鄭元祐

有吳桓王之墓田乃在盤門南郭邊墓中玉鳧文化  
土石上赤烏猶記年寒食無人洒麥飯東西滿地飄  
榆錢功昭前王啟吳祚葬地合擇名山川闔閭城南

不百步土薄易致耕夫穿昭紘諸臣號詳密慮不及  
此寧非愆緬思山東舉義日媚灶顧已無諸賢惟王  
父子起相繼黃星閃避東南天假之脩齡定四海許  
下豈容瞞着鞭鑿山揜匠等發掘朽壤一柁誰獨專  
白楊蕭：北邙路姓名能得幾人傳

吳桓王墓

高啟

朝出南郭門高墳鬱蒼：借問葬者誰乃是長沙王  
黃腸豈不錮盜發取所藏金環出世間封樹無輝光  
緬思衰炎際當途逞奸強英雄失所據虎視誰敢當  
王初奮推孤英風凜飛霜談笑定江東賢豪歛耒翔



少假須臾年足見伯道昌胡為困仇奴輕獵不自防  
天意豈祐魏遽使斯人亡因觀感往事喟焉令人傷

又

周南老

城南桓王墓高冢何穹崇昔為盜所發冢開寶氣空  
孱然一髻孺揮箠定江東闕地餘千里義勇日以雄  
萬歲期永藏誰能錮幽宮英雄昔所在燕麥搖春風

孫王墓

王賓

千里爭衡最少年馬驕風疾喜行前正當許下迎天  
子玉樹生理在九泉

孫王墓在盤門外今為義塚

石崇墓

高啟

虬須欲怒珊瑚折步障圍春錦雲熟真珠換妾勝驚  
鴻笑踏香塵如踏空酒闌金谷鶯花醉家逐樓前舞  
裙墜財多買得東市愁綺羅散盡餘荒丘猶令白首  
同歸者坐伴游魂楓樹下

又

周南老

城西多岩壑信美非金谷荊州石刺史胡為此埋玉  
緬懷步障春雲錦爛綺緝買嬌教歌舞不惜珠三斛  
願此墮樓人焉知禍所伏蒼：墓已墟誰歎悲宰木  
石崇墓在吳縣西六里



張翰墓

王賓

洛陽城裡秋風起天下紛：事暗多歸去不將身向  
酒虛名有後是如何

張翰墓在橫山東五里

陸績墓

前人

寥落孤墳荒草深一迴行過一沉吟邊頭有土如栽  
橋表見當年念母心

陸績墓在陽抱山吳地記云在闔門外泰伯廟西  
元至元間郡人朱澤民祖母病卜地此山夢偉丈  
夫告曰勿奪吾宅吾且為夫人後既而穿地得石

曰鬱林太守陸績之墓別有刻曰此石爛人來換  
石果斷矣遂拚之而卜兆其傍今狀元朱希周是  
其裔也

顧榮墓

謝應芳

白髮吳儂說姓名將軍墓近闔閭城徵車入洛稱三  
俊割炙知人得再生江月似苗揮扇影松風猶作鼓  
琴聲停舟一酌蘋花渚野鶴飛來躑躅鳴

又

王賓

不見人將琴走過白楊風緊獨秋多生同張翰言還  
在酒可忘憂如病何



顧榮墓寰宇記云在赤門外九里吳地記云在吳縣東南二十里側有左威將軍張敏墳今寔在葑門東六里長洲縣黃天蕩南俗訛稱顧邑墓西有祠題曰顧將軍廟或云上將軍榮從子和亦葬吳

瞿劭先生墓磚

瞿劭先生字鵲子廣川人隱居不仕葬于東陵武安寺重岡之原

瞿劭墓慶元志云在直塘市：有廣安寺後塘得古冢墓磚稱云：武安蓋廣安舊額也今其地尚多瞿姓事見晉書隱逸傳

顧野王墓

高 啟

南朝舊碑倒墓近樵蕪道應與讀書堆離：搃秋草

又

周南老

迨：越溪水映帶楞伽山清寂氣所窮鬱：佳城環野王識龍穴卜兆于其間平地不起墳乃知防後艱癖愛山水勝清興殊不慳丹青更稱絕猶得白塵寰

又

王 賓

身瘦更無哀毀甚行應有杖亦難扶提兵慷慨誅亮逆徒者臺城報子無

顧野王墓在楞伽山下吳地記云在橫塘別隅平



平不起墳宋紹興間碑石尚存

陸墓忠宣公

前人

董生有學似相當文氣從容理又長奔走奉天勞諫  
諍忠州閒坐集醫方

陸墓在齊門北世傳陸宣公贊葬焉朱子云董仲  
舒陸宣公皆有宰相之學

真娘墓

李商隱

虎丘山下劍池邊長遣遊人嘆遊川  
眉樹斷絲悲舞席出雲清楚想歌筵  
柳眉空吐効顰葉榆莢還飛買笑錢  
一自香魂招不得祇應江上獨婵娟

又

張祐

佛地葬羅衣孤雲此是歸舞為蝴蝶  
夢歌謝伯勞飛翠髮朝雲斷青娥  
夜月微傷心一花落無復戀春暉

又

羅隱

春草荒墳墓萋萋問虎丘死猶嫌寂寞  
生官不風流皎鏡山泉冷輕裾海霧秋  
還應伴仙子香徑夜深遊

又

顧阿瑛

何處真娘墓雲埋斷石根夜深風雨急  
誰喚海棠魂

又

高啟

金釵葬小墳揚柳寺前村已斷花間信  
空歸月下魂



山鶯留曲韻草露帶啼痕車馬逢寒食還來酌酒尊

又

周南老

女郎善歌舞日事繁華樂死葬虎丘山未忍甘冷落  
香魂化蝶飛每為春風托至今墳上花猶能媚輕薄  
絲：遊冶兒懽呼為盤礴幽：短簿祠誰來酌清酌

又

蘓衡

不見當時窈窕娘空遺孤冢對斜陽淒涼夜雨悲瑤  
瑟埋沒春風怨錦囊墳上不生連理樹人間那得返  
菟香分明蘓小西陵路草綠蘼蕪易斷腸

弔幽獨君

周南老

闐乎山之幽玄扃闔羈獨嗟爾長夜魂愁共哀猿哭  
衷情見于辭隱石句堪讀形化神不啻奚啻同朽木  
冥：既飄散胡為未忘欲猶知念所親身百其可贖

又

高啟

君本何代人姓名復為誰何年棄人間長眠此山陲  
荆榛鬱蒙籠孤墳尚無碑游魂久未化哽咽還能詩  
人歿乃歸滅憂樂豈復知君何獨煩冤猶有親愛思  
一死衆所同已矣烏足悲陳詞為相弔此理君當推

幽獨君墓在虎丘山北

唐通議大夫和州刺史吳郡張公神道碑墓



銘

白居易

張之為著姓尚矣自漢太傅良侍中肱也渡江丞  
 相嘉以降勲賢軒冕歷代不乏肱避地渡江始居于  
 吳故其子孫稱吳郡人嘉以孝悌聞于郡故其所居  
 號孝張里嘉之曾孫裕在宋為司徒即公五代祖也  
 司徒之孫儔在隋為吳郡都督即公曾王父也台州  
 臨海令諱鯤即公王大父也袁州司馬諱孝績即公  
 王考也或以人物著或以閥閱稱迄今為江南右族  
 公諱無擇字無擲朱冠丁袁州府君憂廬于墓晝號  
 而夜泣者三年矣有靈芝醴泉出焉既冠好學能屬

文從鄉議登經第應制舉中精經史科補弘文館通  
 校書郎調左金吾錄事換杭州錄事換杭州錄事叅  
 軍在杭州前後詰譎制補吏三十八人駁假年侍老  
 二千人舉而正之人服其明會劉幽求為刺史聞詔  
 授絳州錄事叅軍絳之郡有主胥者怙寵侮法豪奪  
 人利公數其罪露章奏之章下丞相姚元崇奇之致  
 書褒美尋改太原府功曹叅軍給事中張昶為江淮  
 安撫使表公正直奏置部從事吏部尚書陸象先為  
 河東按察使狀公清白奏授懷州獲嘉令在獲嘉以  
 不茹柔得人心以不吐剛得罪於是左選鄂州司馬



移深州司馬轉魏州長史時上方思理詔求二千石  
之良者特宰以公塞詔擢拜和州刺史時在郡奉詔  
條恤人隱而已不知其他無何水潦害農公請蠲穀  
籍之捐者什七八時李知柔為本道採訪使素不快  
公之剛直密疏誣奏以附下為名遂貶蘓州別駕老  
幼攀泣而遮道者數百人信宿方得去移曹州別駕  
歲餘謝病歸老於家天寶十二載正月二十一日終  
于東都利仁里私第其年二月十二日葬于河南府  
伊闕縣中李原享年八十三噫公之天地間八十有  
三年可謂壽矣其間當明皇帝馭天下四十有五年

可謂時矣有其才得其壽逢其時然默不遇陪臣秩  
僅至郡守凡所貯蓄鬱而不舒嗚呼其命也夫公之  
文學嘗為賀知章賈彥璿許之公之諒直常為李邕  
張廷珪稱之公之政事又為劉姚張陸推之夫以八  
君子之力援而不足以一也知柔之力排之而有餘  
厄窮不振以至沒齒嗚呼其命也夫古人云道不虛  
行又云其後必有達者故公之子大理評事誠以節  
行聞於時公之孫戶部侍郎平叔以才位光於國報  
施之道信昭之矣不在其身則在子孫相去幾何哉  
長慶二年某月某日平叔奉祖德碣之居易據家狀



序而銘之其詞曰

有木有木長碩大破如長為楠杙不作棟梁有驥有驥規  
行矩步辱在短轅不駕大輅嗚呼噫嘻公亦如之何  
時不遇我而我不遇時勿謂已矣天錫多祉既賢其  
子以濟其美又才其孫以大其門苟無先德孰啟後  
昆

唐贈尚書工部侍郎吳郡張公神道碑銘序

有唐嶺南觀察推官試大理評事吳郡張公大曆三  
年十一月八日終于伊川別墅五年八月七日葬于  
伊闕縣中李原春秋五十五元和十三年詔贈主客

員外郎明年贈太常少卿又明年贈尚書工部侍郎  
夫人吳郡陸氏貞元二年某月某日終于某所春秋  
六十六追封嘉興縣太君又封吳郡太夫人嗣子通  
議大夫守尚書戶部侍郎判度支上柱國賜紫金魚  
袋平叔以長慶二年某月某日立神道碑太原白居易  
易文其碑云

公諱誠字老萊吳郡人父諱無擇和州刺史祖諱孝  
績袁州司馬由高曾而上世德世祿載在和州府君  
碑內此不書公年十八以通經中第及調判入高等  
授蘓州長洲尉秩滿丁先府君憂既禫又丁先太夫



人憂泣血六年哀毀過制以方寸再亂殆無宦情既除喪退居不調者累年而親友以大義敦責不得已而復起選授左武衛騎曹叅軍分司東都屬安祿山陷覆洛京以偽職淫刑脅劫士庶公與同官范陽盧巽潛遁于陸渾山食木實飲泉水者二年訖不為逆命所汙及肅宗嗣位詔河南尹薛伯連搜訪不仕賊庭隱匿山谷者伯連得六人以應詔而公與巽在焉繇是名節聞於朝野君子以為知道優詔褒美特授密縣主簿未周歲遷宋州碭山縣令時睢陽當大兵後野無草里無人公撫之一年襁負至二年汙萊闢

三年衣食足及解印去縣民相率泣而餞之君子以為知政嶺南節度觀察使李勉偉人也既高公許渾之節又美公碭山之政欲以名職禮命起而大之遂奏授試大理評事充觀察推官及除書簡牒到門即公捐館舍之明日也才如是命如是嗚呼哀哉公常自負其才不後於人自疑其命不偶於世及將去碭山而反伊川也頓駕擗管沈嘆久之因賦咏懷詩云論成方辯命賦罷即歸田竟如是言終于衡茅之下君子以為知命公有三子曰平仲平叔平季夫人陸氏郡國子司業集賢殿學士善經之女賢明有法度



初公既歿諸子尚幼夫人勤求衣食親執詩書諷而  
導之咸為令子又嘗以公遺志擇其子而付之故平  
叔卒能振才業致名位追爵命碣碑表繼父志楊祖  
德此誠孝子順孫之道也亦由夫人慈善教誘之德  
浸漬而成就之不其然乎居易常辱與戶部遊而知  
其家事殆見托撰述庶傳信焉銘曰  
猗嗟碣山以文行保家聲以義節振時名以忠政撫  
縣民而職不登諸侯鄉秩不及廷尉評悲哉猗嗟碣  
山前有和州名德如彼有戶部才位若此才子之後  
父名父之子賢者無之可謂具美休哉

右二葬碑銘雖不在蘓而皆吳人然孝張里是宋  
孝武旌張敷字景胤之居非張嘉也然必一族也  
其事見姑蘓志孝友傳

陸象先墓

王 賓

皇姑威令震朝中君不低眉暗去從墳上從來松柏  
樹青：遮莫雪霜濃

陸象先墓在光福山西象先不附太平公主玄宗  
謂後凋松柏

廣陵錢王墓

前 人

一鎮中吳三十年農桑處：是人烟于今人到墳山



下來見碑亭已泯然

廣陵王墓在橫山西王名元僚為中吳鄣度續圖  
經言其儉約鎮靜中吳賴焉范氏古蹟門稱其喜  
喜追遊不事園苑惟見虎丘則色喜至必規劃脩  
繕

范氏祖墳

前人

陰陽家說到墳前風水真宜子息賢文正有賢君聽  
取祖宗積德百餘年

范氏祖墳在太平山三讓原

丁晉公碑

曾鞏

丁謂字公言初字謂之蘓州人常袖文謁王禹偁禹  
偁愛其郎為詩贈孫何及謂比之韓柳名遂大振文  
淳化三年登進士第累擢知制誥諫議大夫兩為三  
司使大中祥符五年叅知政事九年除節制知昇州  
天禧間復叅知政事改樞密使四年與李迪同相迪  
對上斥謂為奸邪同罷而謂獨留加司空封晉國公  
仁宗即位進司徒無侍中坐雷允恭移山陵皇堂事  
罷少保分司再貶崖州司戶叅軍凡五年徙雷州又  
三年徙道州明道末復秘書監致仕居安州又徙光  
州卒年七十二詔賜錢十萬絹百疋謂淳化間為福



建轉運使初置龍焙歲貢團茶數品供御咸平初峽  
路蠻擾邊會分州陝為四路謂領夔州轉運使措置  
蠻事作誓列石柱境上其後又入寇止委其首領討  
平之居五年詔許其代乃舉薛顏景德初契丹入寇  
謂知鄆州虜騎稍南民大驚趣楊劉渡舟人邀利不  
時濟謂斬死罪囚于河上舟人惧不復稽阻又令廣  
旗幟擊刁斗聲振百餘里虜函走遁大中祥符初議  
封禪未決謂因言大計有餘議遂定謂機敏有智謀  
儉巧險詖亦鮮其儔文字經目雖十百言無遺忘在  
三司案牘有差老吏不能曉者決於一言皆中其理

朝廷營造莫不兼領凡奏祥瑞事皆謂及王欽若與  
焉少遊江南遇呂洞賓語之曰君狀貌同李德裕言  
訖不見其後果驗弟誦說諫子珙珮玳

丁晉公墓在華山習嘉原

范氏復祖塋記此在河南故不錄

陳基

故宋太師魏國范文正公以上三世墳墓在吳縣之  
天平山至公之薨始葬洛陽萬安山母夫人謝氏之  
兆其子監簿忠宣恭獻侍郎以下三世皆祔焉中更  
靖康之亂子孫之在吳者弗獲以時展墓唯願瞻山  
河北向流涕而已我世祖皇帝混一四海列聖相傳



誕敷文德而尤倦：為致意於古今忠臣烈士有功於名教者故公克與天下之名山大川前代之聖帝明王並登祀典每歲仲丁有司祇奉中牢致祭惟謹可謂盛矣然亦不過即天平之白雲以寓其高山仰止之意而萬安之原至大中八世孫國俊僅一至其處同知徐君景孺為復侵地亦存什一於千百自是

吳郡文粹續集卷三十八



長洲 錢

穀

叔寶

編集

○墳墓

○ 范文正公仲淹神道碑

歐陽修

皇祐四年五月甲子資政殿學士尚書禮部侍郎汝南文正公薨于徐州以其年十有二月壬申葬于河南尹樊里之萬安山下公諱仲淹字希文五代之際世家蘓州事吳越太宗皇帝時吳越獻其地公之皇考從錢俶朝京師後為武寧軍掌書記以卒公生二歲而孤母夫人貧無依再適長山朱氏既長知其世



